

Bangbango Donggipa Mingsinggipa Songjinma



Amazing Facts
Poraiani

4



Nang-ni namnikbatgipa jila ba songjinmao sorok ting-kolokani, gari gorarangni wil-watani, moila ong-atani, ba jedakgipa dosi dakanirang mamungba dongsrangja ine chanchichipate nibo! lan ong-na amgipa ong-ama? Sastro, sorokko sonachi angipa songjinma damsani gimin agana! Aro uni changrogipa pakmarangko gamchatbegipa ro-ong, grikgipa jasperchi tariachim, saksa mandemangba uano gusuani, atchingani, ba sordi man-anian dongjawaha. Sakantian an-sengbaljokanio chu-soksranggiparang ong-gen aro saksa sakgipin baksa namrim meligrike katchagen. la songjinmaona na-a re-e nina skama? Na-a re-ange ninasan mangmang ong-aija, indiba uano na-a songdongna man-gen! Maikai man-gen uko ma-sina gita poraiangkubo ...

1

la bebera-na ampilgijagipa, aiao inmangipa songjinmani architect aro uko rikgipara sawa?

"Isol uamangna, chong-motan, uamangni Isol ine mingako man-na kratcha-ja; maina Ua uamangna songjinmako daksoaha (Ibriangna 11:16).

Aganchakani: Isol An-tangni manderangna namen aiao inmangnigipa aro dal-gipa songjinmako riksoenga – aro uan a-gilsakni gipin songjinmarang gitan chong-motgipa ong-a!



2

la namen aiao inmanpilgipa songjinmara banosa?

"Aro anga rongtalgipa songjinma, Jerusalem gitalko, Isoloni salgioni ong-onako nikaha" (Parape-a 21:2). "O angni Isol Jihova ... Nang-ni dongram salgio Na-a knachakbo (1 Rajarang 8:28, 30).

Aganchakani: la somoio, ia rongtalgipa songjinmako salgio rikenga.

Aganchakani:**A. Bimung**

la songjinmako “Gital Jerusalem” bimungchi mingaha (Parape-a 21:2).

**B. Bimangni Dal-a**

“Aro ua songjinma kitik brichim, uni gro badita gipengba indita, aro ua ongjinmako tiluchi stadia hajalchi-gni toaha, uni gro

aro gipeng aro chua apsan” (Parape-a 21:16). la songjinma chu-soksranggipa square ong-a. Uni rikingni ro-aniko toaniara stadia 12,000 ong-a – jean 1,500 milerang baksa apsanachim. Uan paksamprak 375 milerang ong-e ro-achim!

C. Guarerang

“Aro ua uni guareko mik ritchasa sotbri bri toaha, mandeni, chong-motan sa-greni toa gita. Aro uni guareko rikani jasper ong-achim” (Parape-a 21:17, 18). Guare mik 144 ong-e rikdoako man-aha – uan feet 216 chu-gipa ong-a! – jean songjinmako duulachim. Ua guarerang talatna amsokpilgijagipa teng-suani aro nitoani baksa grikgipa jasperchi rikgiminrang ong-achim. Iani gimin chanchiate nibo: gadang 20 ong-nasipile chua aro grikgipa jasperchi rikgimin ong-a!

**D. Cholgugarang**

“Uni dal-gipa aro chugipa guare gnangchim; uo cholguga damchi-gni gnangchim; ... salamchi cholguga damgittam, aro salgrochi cholguga

damgittam, aro salgipengchi cholguga damgittam, aro saliramchi cholguga damgittam ... Aro ua cholguga damchi-gni mukta dotchi-gni; cholgugaparak mukta dotprak ong-a” (Parape-a 21:12, 13, 21).

E. Pangchakanirang

“Aro ua songjinmani guareni pangchakanirang ge-chi-gni ... Aro ua songjinmani guareni pangchakanirangko pilak gamchatgipa ro-ongchi nitoataha. Skanggipa pangchakani jasper ong-achim; gnigipa, sapphire; gittamgipa, kakedony; brigipa, emerald; bongagipa, sardonyx; dokgipa sardius; snigipa krysolite; chetgipa beryl; skugipa, topaz; chikkunggipa, krysoprase; chi-sagipa jasinth; chi-gnigipa, amethyst” (Parape-a 21:14, 19, 20). Ua songjinma chu-gimikgipa 12 chu-soksranggipa pangchakanirang gnangchim – ge-prakan gamchatgipa ro-ongchi rikgimin ong-a. Sundareni rong mingantikong donachim, uni gimin chel-aonin ua songjinmako sundareo neng-takenga gita nikatachim.

F. Ramarang

“Aro songjinmani rama, grikgipa janera gita, rongtalgipa sona” (Parape-a 21:21).

**G. Nikani**

“Rongtalgipa Songjinma, Jerusalem gitalko, Isoloni salgioni ong-onako nikaha; ua setangna tarisogimin namchik gita tarisoa ... uni seng-a gamchatbatgipa

ro-ong gita, krystal gita grikgipa, jasper ro-ong ... aro ua songjinma kitik brichim, ... uni gro aro gipeng aro chua apsan” (Parape-a 21:2, 11, 16). Ua songjinma, pilak uni gamchatgipa ro-onrang, sonarang, aro nitoe teng-suani rang Isolni rasong baksa teng-sugen. Uni rang-spemanpilgipa mikkim rasong aro rongtalaniko “setangna tarisogimin namchik gita” toaha.



4

Pilak songdonggiparangna pangnajol dambe ong-aniko aro an-sengbaljokaniko ia mikkim rasongan gapgipa songjinmara ia bebera-ana man-pilgijani ong-gipako maidake ku-rachaka?

“Aro ua chibimani iachi uachi boljanggi, ua bite changchi-gni nanga, japrako an-tangni biteko on-a. Aro ua bolni bijakrang jatrangko an-sengatani ong-a” (Parape-a 22:2). “Boljanggini bitekoba ake cha-e jringjrot tangnaba donga” (Abachenga 3:22).



Aganchakani: Ua boljanggi rokkom 12 biterangko nanggipa, songjinmani jatchi ong-a (Parape-a 2:7), aro uni biteko cha-gipa sakantiknan bon-changijagipa janggiko aro dambe ong-aniko ra-baa. Uni bijakrang mangmangoba aiao inmagipa bon-changijagipa namgipa gun ngang. Ia bol japrakprakon gitalgipa biterangko nanggen.

5

Ia aiao inmanpilgipa songjinma ia a-gilsakona ra-onbaako man-gen, ian kakket ong-bebeama?

“Aro anga rongtalgipa songjinma, Jerusalem gitalko, Isoloni salgioni ong-onako nikaha; ua setangna tarisogimin namchik gita tarisoo.” (Parape-a 21:2). “Sontolgiparang an-senga; maina uamang a-ako manrikgen” (Mati 5:5). “Nibo, kakketgipa a-gilsakon on-pilskaako man-gen” (Toe Skianirang 11:31).

Aganchakani: Oe! Ia rasong mikkiman gapgipa rongtalgipa songjinma gital a-gilsak dataigipao skotonggipa ong-na gita ia a-gilsakonan ra-onbaako man-gen. Pilak jokgiminrang ia sonjinmaon songdong a-chagen.



6

Papirangna aro jokgijagiparangna mai ong-gen?

"Aro pilak gaorade-gipa, aro pilak denggu dakgipa, megap gita ong-gen; ... Re-bagnigipa sal uamangko kamgen" (Malaki 4:1).

"Dakgiminrang kame jronggen, aro a-a aro uano donggipa kamrangko kamgen" (2 Pitor 3:10). "Aro na-simang denggugiparangko ga-bekgen; maina Angni donsoгимin salo uamang na-simangni ja-pani ning-o tappra ong-gen" (Malaki 4:3). "Indiba Uni ku-rachaka gita, an-ching gital salgirang aro gital a-ako nichaksoenga, jeo toRomrangna dongkama." (2 Pitor 3:13).

Aganchakani: Isol ia a-gilsakko paponiko rongtalatgen; Ua, duk ong-bean baksa, papo dongkamgipa manderangoniko ia a-gilsakko rongtalatgen. Uniko Isol chu-soksranggipa gital a-gilsakko dakgen. Ua rongtalgipa songjinmaan ia a-gilsakni skotonggipa ong-gen. Uano jokgiminrang katchae, tom-tome, aro rongtale jringjrotna songdonggen. Pap uano dongtaijawaha ine Isol ku-rachaka. **Nahum 1:9** ko nibo. (Norokni gimin bang-bate ma-sie ra-na gita Poraiani 11ko nibo.)



7

Uni gital songnoko napegipa manderangna Isol maidakgipa namen ka-srokbegipa ku-rachakaniko daka?

Aganchakani:

- A. Jihova, An-tang bimango, uamang baksa dongrimgen (**Parape-a 21:3**).
- B. Uamang pangnaba aratjawa. Uano jringnan katchaani ong-gen (**Gitrang 16:11**).
- C. Uano siani, saknaani, grapani, duk, saani, hospitalrango dongani, operation ka-anirang, signigipa a-selrang, ka-donga gri ong-ani, neng-nikani, okriani, ba gitok ran-ani dongjawaha (**Parape-a 21:4; Isaia 33:24; Isaia 65:23; Parape-a 7:16**).
- D. Uamang neng-jawaha (**Isaia 40:31**).
- E. Sakantian pilakni gitan chu-soksranggipa ong-gnok. Nagokrang knagnok, kanarang nikgnok, aro an-ma goka ong-giparang katrorona man-gnok (**Isaia 35:5, 6; Phillipirangna 3:21**).
- F. Mikbu miknengani, kenani, nidikani, tol-pnapani, mikbokani, rongtalgijani, sakgipino ka-dongchakgijani, setagijani, jajrengani, aro pilak namgijanian Isolni songnoko dongjawaha (**Parape-a 21: 8, 27; 22:15**). Manderang jajrenganirangchi aro simsakanio uamangni gisikko bringbrangatani aro saknaanirangchi pangnaba neng-skimjawaha. Uano jajrenga sinteani dongjawaha. Somoi jringnan bon-changjawaha, aro da-oni a-gilsakni sinjetanirang aro sianirang pangnajolnan dongjawaha.



8

Ua gital a-gilsakara maikai ia an-chingni a-gilsakoni dingtanggipa ong-gen?



Aganchakani:

- A. Da-alo an-chingni ma-sigipa apalbegipa sagalrang gimagnok (**Parape-a 21:1**). Ia somoio, sagalrang 70 percentmangni gita ia a-gilsako donga. Isolni gital a-gilsako indake apsan ong-jawaha. A-gimikan pilakna bate nitobatsranggipa, chibol, chibima, aro abrirang gnganggipa damsda dal-begipa bari ong-gnok (**Parape-a 22:1; Watatarang 3:20, 21**).
- B. A-gisirangni pal barirang ong-skagnok (**Isaia 35:1, 2**).
- C. Pilak matburungrang ken-begnigipa ong-jawaha. Ong-atgiminrangoni—perurang, singhorang, mapilrang, undakgiparang — gipin matburangrangko chike cha-jawaha, aro chonchonggipa bi-sarang uamangko rodilgen (**Isaia 11:6-9; Isaia 65:25**).
- D. Uano soa dongjawaha (**Parape-a 22:3**). Papni sao, jekon **Abachenga 3:17-19** o janapachim, uano dongjawaha.
- E. Uano pilak daggipa a-sel ong-anirang dongjawaha (**Isaia 60:18**). Ian niam pe-ani, mikka balwa rakanirang, chi bana re-anirang, banggrianirang, balminduri ong-anirang, saknaanirang, aro undakgiparang, dongggijaniko man-chapa.
- F. Mamung marang nangatanikon nikjawaha (**Parape-a 21:27**). Churing chupekani, chu ringram biap, chuni dolrangrang, an-tangko namgija dakani, namggijaniko niani, ba gipin rongtalggijanirang ua gital songnoko dongjawaha.

9

Isolni songnoko chonchonggipa bi-sarangba donggenma? Donggenchim ong-ode, uamangara dal-rorogenma?

“Aro songjinmani ramarango kal-grikenggipa me-a bi-sarang aro me-chik bi-sarang uni ramadilmarango gapgen” (**Zekaria 8:5**). “Na-simang ong-kate, noloni matchu bi-sarang gita, bilchrokgen” (**Malaki 4:2**).



Aganchakani: Ua rongtalgipa songjinmao chonchonggipa bi-sarang bang-en donggen (**Isaia 11:6-9**) aro ia dambe bi-sarang dal-rorogen. Mandeni ga-akaonian, an-chingara changroanio, u-ianio, aro tangbanganio namen komibegiparang ong-aha — indiba ia pilakan nampilataiako man-gen! (**Watatarang 3:20, 21**).

10

Jensalo ka-sagrikgiparang salgio damsan ong-ahaon, uamangara saksa sakgipinko ma-sigrikgenma?

"Indiba unon angko u-iaha gita anga u-igen" (1 Korinthirangna 13:12).

Aganchakani: Jokgiminrang jemangan siahachim tangchapiltaie, tangenggipa jokgiminrang baksa bakrimgen, aro Isolni gital songnoko damsan napegen ine Sastro rongtalen skia (Isaia 26:19; Jeremia 31:15-17; 1 Korinthirangna 15:51-55; 1 Thessalonikarangna 4:13-18). Isolni gital songnoko ka-sagrikgiparangba saksa sakgipinko ma-sigrikgen ineba ua skia, jedake manderang saksa sakgipinko da-o ma-sigrikachim.



11

Salgio manderangara be-en aro greng gnan ong-genma?

"Jisu An-tangan uamangni jatchio chadenge uamangna inaha. Na-simangna tom-tom ong-china. Indiba uamang namen kenbee me-mangko nikenga ine chanchiachim. Unon Ua uamangna inaha, Na-simang maina jajrenga? Aro maini gimin na-simangni gisiko chanchia ong-kata? Angni jakrangko aro Angni ja-arangko nibo, Anga An-tangan ong-a; Angko rimdape nibo; maina Ango dongako na-simangni nika gita me-mangni be-en aro grengrang dongja ... Aro uamang katchaani gimin bebera-kujamiting, aro aiao inmanpilmitingon ua uamangna aganaha, lano na-simangni maiba cha-ani gnanma? Unon uamang na-tok so-a tong-sako Una on-aha. Aro Ua uko ra-e uamangni mikkangon cha-aha ... Aro Ua uamangko Bethanyona kingking rimongkatange jaktangko de-e uamangko pattiaha. Aro Uni uamangko pattimitingon, Ua uamangoni dingtangaha, aro Ua salgichina rimangako man-aha" (Luk 24:36-39, 41-43, 50, 51). "Ia Jisuan, jeko na-simangoniko salgiona rimdoangaha, jekai na-simang uko salgiona re-angko nikaha, uandaken re-bagen" (Watatarang 1:11). "Gitel Jisu Kristo ... an-chingni on-ani be-enko Rasongtangni be-en gita bimang dingtang dakgen" (Philippirangna 3:20, 21).

Aganchakani: Uni chakpilani ja-mano, uamangna An-tangko dangtapna on-anichi aro cha-aniko cha-anichi Uo be-en aro greng donga ine Jisu An-tang sininggiparangna sakkiko on-aha. Uni Pagipaona re-anggipa apsan Jisuan a-gilsakona re-bapilgen. Kristoni be-en bimang gitan jokgiminrangnaba be-en bimangrangko on-gen aro, be-en aro greng gnanngipa bimang ong-e jringjirotnan tanggen. Dingtanggrikanide salginigipa bimangrang ong-siaona aro siaona sokjawaha. Jokgiminrangni bimang gri gisikrang mangmang ong-e aramrang balboe mamungkoba dakgija indiba knalrangko moe donganiko skianide Sastro pangchakani mamungba gri. Uni ka-saaniko ra-chake Uni ramako ja-rikgiparangna ia indagkipa orto grigipako on-na inede Jisu chisolo sijaha. Bang-bata manderangan indake indagkipa donganio gisiko nangja aro, uni giminan, Isolni salgini songnoko napena gitaba sikja – basakobade norokna kenani giminsan mangmang uamang an-tangtangko taritoka. Isolni rongtalgipa songjinma aro gital a-gilsakni bebeko sakantian namedake ma-sie ra-na man-genchimode, bang-bata million manderangan Uni ka-saaniko ma-sina a-bachengtokgenchim, aro uamang Uona an-piltokgenchim aro Uni uamangna cha-tote nikchina daksogimin tom-tomanio, katchaanio, aro miksonganio ka-srokgenchim.



12

Ua gital songnokora maikai manderang uamangni somoiko re-attokgen?

"Aro uamang nokrangko rike uarango dongkamgen; aro uamang draka barirangko ge-e uarangni biteko cha-gen. Uamangni rikanio sakgipin uno dongkamjawa; uamangni ge-ako sakgipin cha-jawa; ... Aro Angni mikchagiminrang an-tangtang jakni kamko jaroe jakkalgen" (Isaia 65:21, 22).



Aganchakani: Gital a-gilsako jokgiminrang an-tangtangna nokrangko rikgen. (Sakantian Kristoni rikgimin songjinmani nokba donggen – **Johan 14:1-3** ko nibo.) Uamang draka barirangko dakgen aro uarangni biterangko cha-gen. Sastro iani bidingo rongtalen talata: Mande chong-motrang salgio chong-motgipa kamrangko ka-gen, aro uamang iarang pilakon katcha ka-sroktokgen.

13

Ia salgini songnoko jokgiminrang aroba maimairangko dakgen?

Aganchakani:

- A. Gitrangko ring-gen aro sika moanirangko dakgen (Isaia 35:10; 51:11; Gitrang 87:7; Parape-a 14:2, 3).
- B. Anti antian Isolni songhason mikkango olakkigen (Isaia 66:22, 23).
- C. Pul bibalrangni aro bolrangni pangnaba sikreggijanio katchagen (Ezekiel 47:12; Isaia 35:1, 2).
- D. Ka-sagiminrang, pagitchamrang, Sastroni manderang, aro undakgiparang baksa rorimgen (Mati 8:11; Parape-a 7:9-17).
- E. Matburunrangni janggi tanganiko skie ra-gen (Isaia 11:6-9; 65:25).
- F. Jajrenga gri songre songabatgen (Isaia 40:31).
- G. Isolni git ring-aniko knatimgen (Zephania 3:17).
- H. Uamangni ning-tubatsranggipa kusiniko ba namgipa gisiko skaniko cha-totgen (Gitrang 37:3, 4; Isaia 65:24).
- I. Sakantini dal-batsranggipa katcha ka-srokani ong-gen – Jisu gita ong-na man-anio, Un baksa songre songabatanio, aro Uko mikkangchongchong nikanio katchagen! (Parape-a 14:4; 22:4; 21:3; 1 Johan 3:2).





14

Salgini songnoko an-chingni dongchakgipani rongsongko mandeni ku-sikchi talatna amgenma?

“Jerangko mikron nikjaha, aro nachikol knajaha, aro mandeni ka-tongo napjaha, je jeko Isol An-tangna ka-sagiparangna daksoaha” (1 Korinthirangna 2:9).

Aganchakani: Ning-tubatsranggipa chanchianirangmangba mande jatni ka-tongo Isolni jringjrotni songnokni aiao inmananiko chu-gimik ma-siatna man-jawa. Je songnokkon Adam gimaatahachim ua ripiltaiko man-gen (Watatarang 3:20, 21).

15

Ia songnokkora nang-na dingtangmancha dake tarisamsoengama?

“Sikgipa indinari chijanggiko ra-china” (Parape-a 22:17). “Bon-kaman salo parape-na tarisogimin jokana bebera-achi Isolni bilo rakigimin na-simangna salgio rakisogimin, sogija” (1 Pitor 1:4). “Anga na-simangna biapko daksona re-nasia” (Johan 14:2).

Aganchakani: Oe! Uan dingtangmancha dake nang-na tarisamsoaha – ia somoion. Aro Isoloni okamanide nang-na dingtangmanchaan ong-a. Ka-sapae Uni on-aniko jegalpanabe!

16

la dal-gipa aro rasongarigipa songnoko na-ara maikai biapko man-chongmotna man-gen?

"Nibo, Anga do-gacholo chadenge doktika; saoba Angni ku-rangko knae do-ga oode, Anga uona napanggen" (Parape-a 3:20). "Angko Gitel, Gitel, ingipa pilakan salgini songnoko napna man-gen, ia ong-ja; indiba salgio donggipa Angni Paani namnikako dakgipasa" (Mati 7:21). "Boljanggiona aro cholgugarangchiko songjinmaona aro napna man-na gita cholatangtango su-giparang kusi ong-a" (Parape-a 22:14). "Indiba badita mande Uko ra-chakaha, Ua uamangna, chong-motan Uni bimungo bebera-giparangna, Isolni de ong-china bil on-aha" (Johan 1:12). "Uni Depante Jisuni an-chi pilak papranganiko an-chingko rongtalata" (1 Johan 1:7).



Aganchakani: Nang-ni janggi tanganiko Kristona on-kangbo aro Uo dongkambo jedakode Ua nang-ko paponiko aro pap ka-na skaoniko rongtalatna man-gen. lan altugipa ong-jama! Jensalo na-a Uo dongkamon, ka-sae bamanio Uni skaniko dakna aro Uni ge-etanirangko rakkina Jisu nang-na bilko on-a. lani miksongade Kristoni janggi tanga gita na-aba janggi tangna a-bachenggnok, jechin Ua pilak paprangko chena gita nang-ko dakchakgen. "Amgipa iarangko man-rikgen" (Parape-a 21:7). Jensalo mande an-tang ka-tongo salgiko dona unon uko salgina tarisamsoa.

17

Uni salgini songnoko jringjrotna Un baksa janggi tangkampana Jisuni rasongarigipa okamaniko na-ara ra-chakahama?

Nang-ni Aganchakani:

Nang·ni Sing·anirangna Aganchakaha

1. Jokgiminrang jensalo uamangni ka-sagipa, jemangan gimaahachim, uamangni gimin chanchiaton maikai salgiara kusi ong-gipa biap ong-gen?

Aganchakani: Isol “uamangni mikrononi pilak mikchiko u-sitgen” (**Parape-a 21:4**) ine Sastro rongtalen agana. Gital a-gilsakni nitoanichi aro ka-srokanichi duulako man-e, Isolni piokgimin manderang re-anggimin salrangni dukrangko aro saknaanirang gualgen. **Isaia 65:17** o indake agana, “Skanggipa ong-anirangko gisik ra-jawa, aro gisiko najawa.”

2. “Be-en aro an-chi Isolni songnokko man-rikna amja” (**1 Korinthirangna 15:50**) ine Sastro agana. Indide, maikai, piokgiminrang be-en aro greng gngangpiparang ong-gen?

Aganchakani: Iano WatatarangPaul jekon ua pod 35-49 aganachim ukosa talapataniko daka, je an-chingni chakatpilgipa bimangrang da-o an-chingo dongenggipa bimangrangoni dingtanggipa ong-gen. An-chingni bimangrangko aro kam cholon mingantikon pap dingtangataha. Uni gimin, jensalo an-ching nampilatgimin Edenni songnokona napeon, an-chingni bimangrang dingtangatako man-gen jedakode an-ching ua salgini chu-soksrananiko chu-gimik katcha ka-srokna gita man-gen. “Be-en aro an-chi” ara ia a-gilsakni mandeni bimangko toe mesoke agangipasan ong-aia (**Mati 16:17; Galatirangna 1:16, 17; Ephesurangna 6:12 iarangko nibo**). Kristo, Uni chakatpilgipa bimango, Uo chong-motgipa “be-en aro greng” (**Luk 24:39**) donga ine parakaha. **Philippirangna 3:21** ni gitade, Ugitan an-chingo bimangrang donggen.

3. WatatarangPitoran ua rongtalgipa songjinmani cholgugarangni nitimgipa ong-ama?

Aganchakani: Ong-ja. **Parape-a 21:12** o Sastro indake agana je ua gital Jerusalem – Isolni rongtalgipa songjinma – ge 12 cholgugarang donggen, aro ua cholgugarango sak 12 sa-grerang donggen. Darang watatarangba cholgugarangni nitimgipa ong-gen ine pangchake aganani Sastroo dongja.

4. Pilak bilsini jokgimin manderang dongchakna chakna gita rongtalgipa songjinmara chu-onga gita dal-bebeama?

Aganchakani: Sakantinan 100 square feet bangbanggipa a-ako sualatgenchimode, ua songjinmao sak 39 billion manderangna dongchakna chakgipa ong-gen, jean ia a-gilsakni da-o dong-enggipa mande jelanina baditaba chang batgipa ong-a. Iano janggi tanggipa pilak manderangan jokgenchimoba, ua rongtalgipa songjinmao bang-a biaprang uamangna donggenchim ine bang-a hisap ka-e nigiparangan bebero-a. Sastro iani bidingo talen agana, indioba, pilakande jokjawa (**Mati 7:14**). Uni gimin, ua dal-begipa songjinmao nangana batpilen biaprang donggen.

5. Basakobade an-tangko on-kanganiara ua man-gnina gamchatgipa ong-genma ine anga chanchimana. Bang-a changon Satan angko sripatnasia gita nika. Sastroo maiba didiani gngangma?

Aganchakani: Oe! WatatarangPaul jensalo iako seengmitingo ua nang-ni giminba chanchiengnaba donga, “An-chingona parape-gni rasong baksa togrikna, da-oni dukrang kraja” (**Romrangna 8:18**). Jringjrotni songnokko



nang-na sengsoenggipa salgini Paani teng-suani on-titian
a-gilsakni namjabatsranggipa duknirangko aro chu-sokgijanirangko
gamchatgijaniona gimaatgen!

6. Bi-sarang jemangan siahachim uamangba Isolni songnoko donggenma?

Aganchakani: la sing-anina dintangmancha dake Sastroni gita aganchakani an-chingo dongja, indiba **Mati 2:16-18** o pangchake chonchongipa bi-sarangba jokgen ine bang-an bebera-a, jeon Sastro, Herod Rajani Bethlethemo me-a bi-sarangko so-otaniko aganachim. Niam Gitchamo ia bilongbegipa dukni bidingo agansoaniko daka, indiba Isol ma-giparangko uamangni grapanirangko dondikchina agananiko daka maina salsaode uamangni bi-sarangko uamangona rimbapilgen. “Grapaoniko nang-ni ku-rangko, aro mikchiranganiko nang-ni mikronrangko rakibo; maina ... nang-ni dedrang uamangni aritangona pil-bagen” (**Jeremia 31:16, 17**).

7. Jokgiminrangni dongchakram biap ia a-gilsakon ong-gen ine angni ma-sianara kakket ong-ama?

Aganchakani: Oe! la rongtalgipa songjinma da-o Isolni dongram biapo ong-genchimoba, Ua uko ia a-gilsakanon ra-onbanasienga. la rongtalgipa songjinmaan gital a-gilsakni skotonggipa ong-gen, aro Isol An-tang singhasonko ianona ra-bagen (**Parape-a 21:2, 3; 22:1, 3**) aro jokgiminrang baksa jringna ia a-gilsakon songdonggen. Aro jeon Isol dongkama, uan salgi ong-a. Isolni miksonganide jekon Adam gimaatahachim uko an-chingna rikpiltaina ine ong-a: chu-soksranggipa a-gilsako chu-sranggipa rasongarigipa janggi tanganiko. Satan aro pap Isolni miksonganiko bilding bildangataha, indiba ua miksangani chu-sokgipa ong-gen. An-chingba ia gital songnoko bakko man-pana amgen – uko gimaatna ian bilongbeani ong-gnok! (Bang-bate ma-sie ra-na Poraiani 12ko nibo.)

8. Jokgiminrangni dongram biapara me-mangrang gita ong-e aramrang balboe mamungkoba dagjija indiba knalrangko moe donganian gaggipa biap ong-a ine maina bang-a manderangan bebera-a?

Aganchakani: la skianirangde diabolonisa ong-a, jeon tol-arangni pagipa ong-achim (**Johan 8:44**). Ua Isolni ka-sae daggimin miksonganiko dilsretna aro salgiko kakketgija, “kenbegnigipa” biap dake mesokna namen krengbegipa ong-a jedakode manderang gisik nangani komigen ba pilak Isolni Kattako jajagen. Jensalo me-a aro me-chikrang ia jokgiminrangni songdongramni bidingo Sastroko chu-gimik ma-siahaode, uamangni kosako ong-gipa uni bil be-a ine Satan ma-sia, maina uamang ua songnoko napena miksonggiparang ong-gnokchim. Uni giminsa ua an-chingni salgini songnokni bidingo jajaaniko on-na aro tol-aniko gipatna namen kamko rake ka-a.

Nang.ni agananiko ba sing.anirangko iano sebo



01



02



03



04



05



06



07



08



09



10



11



12



13



14

Poraiani lesson 14 rangoni ia lesson sa ong-a!

Lesson prakan chong-motgipa alao inmanirang baksa gapatako man-aha jean nang-ko aro nang-ni nokdangko dingtangtgen aro nang-na baikamgipa ka-donganiko ra-bagen.
Mingsakoba watchangalnabe!

Poraiani 01: Nang-ni Ka-dongchakna Man-gijani Uano Maiaba Dongkuengama?

Poraiani 02: Isol Diabolko Ong-atahama?

Poraiani 03: Sina Nangaoniko Jokataha

Poraiani 04: Bangbango Donggipa Mingsinggipa Songjinma

Poraiani 05: Kusi Ong-gipa Bia Ka-ani Chabirang

Poraiani 06: Rong-plengo Seaha

Poraiani 07: Itihasni Gimagimin Sal

Poraiani 08: Bon-kamgipa Naljakatani

Poraiani 09: Rongtalani & Bil!

Poraiani 10: Sianiera Sibebani Ong-ama?

Poraiani 11: Diabolara Norokko Nirok Simsakgipa Ong-ama?

Poraiani 12: 1,000 Bilsirangna Tom-tomani

Poraiani 13: An-sengbaljokanina Isolni Indin On-gipa Daksamsoani

Poraiani 14: Katta Maniara Niamko Kingkot Dake Manianima?

Jensalo na-a Poraini 14 ni skanggipako matchotahaon, bang-bate poraidapaniko dakna chingoniko bi-atbo:

Amazing Facts India, Post Box No 51, Banjara Hills, Hyderabad -500034

la Summary Sheet-ko matchotna skang ia lesson-ko poraichengbo. Aganchakani gimikkon Study guide-o man.gen. ong.gipa aganchakani-o check(✓)- ko donbo. **Parenthesis-o ong.gipa number-rang (1) badita ming aganchakanirang ong.a uko mesoka.**

Form-ko gapatna “Adobe reader” ko jakkalbo.

1. Bangbangogipa rongtalgipa songjinmara (1)

Ong-chongmotgipa ong-ja indiba chanchichigipasan ong-aia.

Ong-chongmotgipa songjinma ong-a jekon Uni dongram biapo Isol da-o tarisamsaonga.

Mitam manderangni gisikona agre darangoba dongja.

2. Rongtalgipa songjinma (1)

Nuclear bomb gopretanichi nisiatako man-gen.

Satan aro uni sa-grerangchi rim-gittangako man-gen.

la a-gilsakona ra-onbaako man-gen aro gital daggimin

a-gilsako skotonggipa ong-gen.

3. Ka-mao sulsul segiminoniko, rongtalgipa songjinmani bidingo Sastroni gita kakket ong-giparango tick (✓) ka-bo: (7)

Uko Gital Jerusalem ine minga.

Ua Lodonni dal-a gita ong-gen.

Uni guarerangara topazchi rikgiminrang ong-a.

Ua songjinmani bakroani uni apalni gitan ong-a.

Ramarang rongtalgipa sonachi angimin ong-a.

Ua songjinmao ge 14 pangchakanirang donga.

WatatarangPitor uni cholgugarango chadengenga.

Ua ge 12 cholgugarang mukta dotprakchi rikgimin ong-a.

Uni rikingni ro-aniko toaniara mile 1,500 ong-a.

Uni pilak pangchakanirango gamchatbegipa ro-ongrangchi rikaha.

Ua songjinma chu-soksranggipa ong-gen.

4. Boljanggiara (1)

Ong-chongmotgipa ong-a jean Isolni manderango pangnajolna an-sengbaljoke aro dambe ong-e rakkigipa ong-gen.

Toe agananisan ong-aia aro An-tangni manderangna Isolni bilko on-nasianikosa miksonga.

A-bachengode dongachim indiba gital songnokode dongjawaha.

5. Ka-mao sulsul segiminoniko, Isolni gital songnoko manderangna ku-rachakanirango Sastroni gita kakket ong-giparango tick (✓) ka-bo: (5)

Salantian Gitel bia ka-anirango dakgen.

Boljanggi rokum 20 biterango nanggen.

Gitel An-tangan Uni manderang baksa janggi tangrimgen.

Bilsi million sa ja-manode, rongtalgipa manderang arataignok.

Uano siani ba kalimani dongjawaha.

Manderang pangnaba neng-jawaha.

An-ma goka ong-gipa manderango sa-grerang de-e roramgen.

Sa-grerangan doctorrang ong-aigrok aro uamang pilak operationrango dakgen.

Mikgrirang nikgija ong-jawaha.

Mikbuani, kenani, mitchinikani, tol-napani,

miknengani, aro rongtalgijani jringnan gimagnok.

Bi-sa chongiparang dal-rorojawa.

6. Ka-mao sulsul segiminoniko, gital a-gilsakni bidingo kakket ong-e agangiparango tick (✓) ka-bo: (6)

Da-o dongenggipa sagalrang dongjawaha.

A-gisirang dal-batgnok.

Matburunrangko salgini ka-sae chiye dona tarigimin kuturirango dongen.

Balmindurirang, banggrianirang, aro chi bana re-anirang dongjawaha.

Ramarangoni jabolrangko salantian sa-grerang simsakbee rongtalatranggen.

Pul bibalang aro bolrang sikrepjawaha.

la a-gilsakon salgi ong-gnok.

Pap gnigipa changna dongtaijawaha.

Uni rasongan gapaniko chu-gimik talatsokna man-jawa.

7. **Salgini songnoko toromirang (1)**
Me-mang pile knalrangko mogen aro aramrangko balboe rogen.
Uanona sokanggipa saggipin ka-sagiparangko aro ripengskarangko ma-sigrikjawa.
Be-en aro greng gnganggipa ong-gen aro saksa saggipinko ma-sigrikgen.
8. **Salgio manderang mande chong-motgiparangan ong-gen aro chong-motgipa kamrangkon ka-gen ine an-ching ma-sia maina (1)**
Bon-kamao scienceni gita sakkiko on-aha.
An-ching Kristo gitan ong-gen, jean Uni chakatpilani ja-mano be-en aro greng gngang ong-aha aro kam chong-motrangko ka-aha ine Sastro agana.
Bang-a skigiparangan indake ong-gen ine agana.
9. **Ua salgini songnoko angaba dongpagen ine namen ma-sina man-gen, anga (1)**
Gitelna ka-saa ine salantian aganode.

- Norokna chu-onga gita kengenchimode.
Kristoko ra-chake, Uo dongkamode aro Uni ge-etanirangko dakode.
10. **Salgini songnoko jokgiminrang maiko dakgen? Ka-mao Sastroni gita kakket ong-e sulsul segiminrangko tick (✓) ka-bo: (5)**
Nokrangko rike uano donggen.
Draka barirangko dakgen.
Matburunrangko so-ote uarangko cha-gen.
Salgini sika moanirangko dakgen aro Isolko de-mitelgen.
Solni singhason mikkango olakkigen.
Norokko bilpake gimagiminrangko kal-stekgen.
Boljanggoniko cha-gen.
11. **Uni songnoko Un baksa pangnajolna tangrimna Jisuni okamaniko anga ra-chaka.**
Ra-chaka. Ra-chakja.

Kosako sing.anirangna bon.e aganchakbo!



Nang.ni bimung, email aro phone no. ko enroll ka.na gita gapatbo.

Nang.ni minggipin indin on.gipa Study guide-ko man.a gita "Submit" ingipao click ka.bo.

Nang.ni bimung :				
Nang.ni Email :				
Phone Number :				
Nang.ni Address :				
City, District :	State :	Country :		
Pin :	Bilsi :	Misi :		

Nang.ni contact info-ko tik dake on.bo